

## 2024-ūju šventē Žemaitējēs Ožgavienu suostēnie PLATELIŪS

MUKIENĒ Danutē  
Portēgrapējēs – straipsnē autuorēs



Degēnama Ožgavienu Muorē

Šiū metu vasarē 13-oujē, tēkroujē Ožgavienu dēina, kap iš onksta ē skelbē Žemaitējēs naciunalinis parks, nu pat rīta tēik Plateliu miestelie, tēik ē aplēnkēniūs kaimūs, sosēmetē i dēdesnēs ē mažesnēs kompanējēs, suodības ē veikontēs īstaigas lonkē, Ožgavienu dainuškas traukē, vēsuokēs zbtēkas krietē, pravēnta vakara linksmībiems rinkuos ličinuom pasēpoušē parsirēngielē.

Cēguoniū spalvuotu sējuonu margomīns, velnātiū ragū aštroms, obagū terbū dēdoms, vēsuokiū kētuokiū balvuonu ličīnas ē iki pat ēšnaktu besitēsontēs linksmībēs i Platelius, korēi jau senē ī vadēnamē žemaitiū Ožgavienu suostēnē, sotrauk daugībē žmuoniū. Vēsē žēna, kad če Ožgavienēs būn šonkēs, tronkēs ē žēima iš kēima ī varuoma so trūbās. Tad, paragintē šventēs organizatuoriū, vēsē, kas tik toriejē svēkatas ē okatas, tou dēina spaudē i Platelius. I šventē daugiau nego 60 parsērēngieliu



Ožgavienu parsērēngielē





Plateliū 2024 Ožgavieniu Muorė ė parsėrėngielė

atvažiava net iš Vėlniaus Medarda Čuobota Tretė omžiaus universiteta Turizma fakolteta, vo kor dā kaunėškė, telšėškė, plungėškė, salontėškė, vėsė kėtė tėkra Ožgavieniu šormolė pasėėlgė žemaitė ė anū prietelė. Mažne kuožnos – pasėpoušės so sava patiū spkortuom a prufesiuonaliū meistrū padarītuom ličīnuom ė iš onksta nosėteikė varītė žėima iš kėima.

Tou dėina vėsuos truobuo kvepiejė kepamās plincės ė skaniausiuom erbetuom. Kuožnos, kas tik ėe ožėjė, bova maluonė sotėkts, ėšklausīts, vuo pu tradicėniu palinkiejėmu ė ož stala pasvadints, skaniausiuom patėikmeniem pavaišints, dā ė apduovėnuots. Pavīzdi ruodė Plateliū seniūnėjės komanda, ciela pouda skaniausiu plinciu ont stala pasėdiejosi, par-

sėrėngielems ė vėsėms kėtėms, ėe sošėltė užsokosėms, anū ė karštuos kvepontiuos erbetas negailiejosi.

Atvīkstontiu pri kuožnuos ėstaigas laukė margiausės apriedās papouštas, miesteliou daug spalvū ė gīvoma soteikosės ivairiausės nedėdėlės žemaitėškas Muorėlės, padarītas pagal tuos ėstaigas gaspaduoriu ėšmuonė ė talėnta. Svetiū laukė ė restauroutūs bovose dvara pastatūs veikontiu parudū šėimininkā. Platelems paduovėnuotu Kelmės mažuojė tėtra ličīnu paruoda veikė Plateliu dvara svėrnė, vuo bovu siuos dvara arklidies galiejė ė vėsa Žemaitėšku ličī-

(Nukelta i 22 p.)



Vēršou – 2024 m. Plateliū Ožgavienu koncertēnē dali graded švētēs „generuols“ telšiškis Dacīs Andrios ēr Žemaitējēs naciunalēnē parka dērektorios Līdīs Ramūns; dešēnie – tuokēs ē i anou panašēs mažuosēs Muorelēs Ožgavienu dēina poušē Plateliūs

nu moziejo, katros če pradiets kortē mažne priš 30 metu, pamatītē. Tū nu XIX omžiaus mūsa kraštūs ēslēkusiu ē lig šiuol koramū Ožgavienu ličīnu če jau ī sorinkta šimtā. Vēinas – ī žīmiausiu Žemaitējēs ē kētū Lietovuos krašta meistrū padarītas, kētas senūju žemaitiu ēšsauguotas, moziejaus kūrieju sorinktas a ivairiausiu kolektīvu, net muokīklu soneštas. Aple anas ē žemaitiu Ožgavienu tradicējēs če atejosēms itaigē pasakuojē moziejaus gidē Jakštienē Dalē.



Gervē, Gēltēnē, Meška, Angels, Vel's, Daktars, Obags, Cēguons, Ragana, Vuožka, Arklīs, Gervē, Jaunēijē ē anū palīda, Žīdielis, Mozēkonts, Kanapinis, Lašininis – tradicēnē ir tonkiausē Žemaitēju sotinkamē Ožgavienu parsirēngieliu persuonažā. Pavakarie Plateliūs anēi vēsē sosērinka miestelē cēn-



2024 m. Ožgavienies Plateliūs dalyvavosēs Vēlniaus Medarda Čuobota Tretē omžiaus universiteta Turizma Fakolteta komandas parsirēngielē



Ožgavienu miestelė cėntros ė parsirėngieliu eisenas vaizdā

trė (pleciou) ė, vaduovaujint švėntės generuolou (jeneruolou), katrou poikė vaidėna net ėš patiū Tėlšiū tvarkuos Žemaitėjės Ožgavienu suostėnie darītė atvažiavės žemaitiu žemaitis Dacīs Andrios, tarškont ont pavažė tempamā, ont rata besėsokontė, so spragėlo i vėsus šuonus besėšvaistontė, žemaitėškās apriedās pasėpoušosė strainiausė tuos dėinuos

Muorė, patrukė pri Plateliū dvara jaujės (koltūras nomū), kor iš onksta jau bova paruošta scena ė greitā solėipsnuojė laužos. Čė anuo dėdėlė reikiejė, nes kap ė kėtuos Žemaitėjės vėituos Plateliūs žėima tou dėina dā ni kėik nenuoriejė trauktėis iš kėima, vė-

(Nukelta j 24 p.)



Plateliū Ožgavieniu parsērēngielē

sor dar karaliava stuors snēiga sluoksnis. Ka ons jau ē bova kēik patēžēs, bet vēsa sava šaltē galībē sosērīnkosēms i kaulus smelkies ē vēituo stīpsuotē neleida. Greitā unt tuos scenas vēina pu kētuos pradiejē kēltē vēs poikesnēs, balsingesnēs ē iduomesnēs kompanējēs iš Palonguos, Plateliū, Alsiediu, Dovainiu, Salontū ē kētū vēitu. Čē anuos ne tik sava apriedus, ličīnas demonstrava, bet ē koncertava, net trūbus pūtē. Vuo jau Dovainiu kaima kompanējē, anuos ličīnu baisībē ē karto gražībē, imontrībē! Atruodē, ka tuo kompanējū siautē velnē ē raganas ēš tēkrū tēkriusē pragara ī i Platelius atgarmiejē. Bova anuo ne tik dovainiškiu, bet ēr ēš Vēlniaus ruoka gropēs „Skīlie“, anuos draugū iš Belgējēs isēmaišiosiu.

Tou pavakarē ont scenas vīka ē gražiausēs plēkas kuojēs demonstravosiu muotrēšku kompanējēs rinkēmā. Vākūkštelē rongtīniava „Arkliū juojēma“ varžībuos, vaikē sava sila demonstrava ožselēpē ont



kelmū ē vēns kēta maišās talžīdamē. Kas daugiau a mažiau pasēstēprēnēs čē pat gaspadēniū kepamās plincēs, verdamo kvepontē erbeto, pavaišints ēš onksta sošmuožavuoto baisē skanio žemaitēško charčio, traukē vērvē. Traukdams anou ē Kapapēnis Lašēnēni nogaliejē. Vuo tumet jau bova ē Muorē amēn. Ognēs anou prarējē par kelēs mēnotas.

Bova švēntie ē žemaitēšku fejerverku – anēi i dongo kēla karto so dūmās dēgont ēšraizgītam, ēšmazgītam stēndou „Žēima, žēima, biek ēš kēima“.

Tou švēntē nesēbēngē. Ožgesos laužams vēsē, kas dā toriejē okatas ē



Platelių Ožgavienių ličinu moziejaus ekspozicėjū svėkatas, katrėms kuojės kėlnuojies, sovėrta i koltūras nomus, kor grajėjė, tradicėnems šuokems kvėitė Plateliu koltūras nomū folkluora ansamblis „Platėlė“ ėr kėtė švėntie dalīvavė truopnė mozėkontā.

Vėsam tam paradou miestelie nu pat rīta vaduovava, kuozna bėnt kėik pri švėntės šormolė prisėdiejosė nogluostė, Plateliū krašta talėntinguojė liaudės meistra Vaškė Ontuona ėšdruožuom vuožiū ličinelim apduovėnuojė pagrindėnė Plateliu Ožgavieniū



Plateliu Ožgavieniū švėntie galiejė ė Žemaitėjės vielevu pamatītė



organizatuorė – etnuograpė, Žemaitėjės naciunālėnė parka Kraštuovaizdė apsauguos skīriaus vīriau-siuoji specelīstė Kuprelītė Alduona. Kėta karta vėsū, korėi nuor sodalīvautė tėkruo žemaitėškuo švėntie, ana ė vėsė kėtė anuos pagelbininkā Plateliūs lauks par Juonėnės, katruos ėe dabā organizuojemas vėituo onkstiau vīkosiū Žemaitiū festivaliū.



Koncertoun Dovainiū kaima parsėrėngieliū kompanėjė